




ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ ՄԱՅՐ
ՏԱԾԱՐՈՒՄ՝ ՓՐԿՉԻ ՀՐԱՇԱՓԱՌԻ ՀԱՐՈՒԹՅԱՆ
ՏՈՆԻ ԱՌԹՎ

Մարտի 26-ին՝ կիրակի, «Ջատիկ. Յարութիւն Տեան մերոյ Յիսուսի Քրիստոսի»:

Օրվա մեծ տոնի առիթով ուխտավորների հոծ բազմությունը լցրել է Մայր տաճարն ու մայրավանքի շրջափակը:

Օրը գարնանային է, ջերմ ու պայծառ:

Առավոտյան ժամը 11.30-ին Վեհափառ Հայրապետը, եկեղեցական թափորով ու ամպհովանու տակ, հանդիսավորությամբ առաջնորդվում է Մայր տաճար՝ դատկական հայրապետական սուրբ պատարագ մատուցելու:

Մայր տաճարը զարդարվել է տոնականորեն: Ամեն կողմ խունկ ու աղոթքի մրմունջներ:

Մայր տաճարի աջակողմյան և ձախակողմյան դասերում տեղ են գրավել Գերագույն հոգևոր խորհրդի, Վերստուգիչ հանձնաժողովի, «Էջմիածին» ամսագրի խմբագրական և ճեմարանի դասախոսական կադմի անդամները, վանքի պաշտոնեությունը և այլ հրավիրյալներ:

Սուրբ պատարագի կոմիտայան երգեցողությունը կատարում է Մայր տաճարի երգեցիկ խումբը:

Վեհ, հաղթական ու սրտառուչ հնչում են հարություն տալերն ու մեղեդիները՝ «Քրիստոս յարեաւ ի մեռելոց» և «Գովեա՛ երուսաղէմ, գՏէր»:

«Հայր մեր»-ի ժամանակ քարոզում է Վեհափառ Հայրապետը:

Նույն օրը, երեկոյան ժամը 11.30-ին, Երևանի ռադիոկայանից ձայնաւիւթով է արձակվում Վեհափառ Հայրապետի դատկական քարոզը:

Հավատաւս. պատարագի Վեհափառ Հայրապետը եկեղեցական թափորով առաջնորդվում է վեհարան՝ Գահասրահ, ուր ընդունում է շնորհավորություններ:

Հանուն Մայր Աթոռի միաբանության և բոլոր ներկաների, Վեհափառ Հայրապետի Զատիկը շնորհավորում է Մայր տաճարի լուսարարապետ տ. Հայկազուն արքեպ. Աբրահամյանը:

Այնուհետև խոսք է առնում Հայոց Հայրապետը, շնորհավորում՝ հայ եկեղեցու և բովանդակ հայ ժողովրդի տոնը՝ Զատիկը, և օրհնելով աղոյն ու եկեղեցին, ժողովուրդն ու հայրենիքը, բարեմաղթություններ է անում Մայր Աթոռ ս. Էջմիածնի, մեր նվիրապետական Աթոռների, թեմերի պայծառության, մայր հայրենիքի և հայ ժողովրդի բարօրության և համայն աշխարհի խաղաղության համար:

Բոլոր ներկաները աջահամբույրով շնորհավորում են Վեհափառ Հայրապետի Զատիկը:

Խմբովին երգված Տերունական աղոթքով և Վեհափառ Հայրապետի «Պահպանիչ»-ով ավարտվում է դատկական տոնի հանդիսությունը Մայր Աթոռում: